

Annwyl bawb,

Ynglŷn â: Arwyddion 'Ar osod' ym Mangor

Yn ystod cyfarfod a gynhaliwyd ym mis Ionawr, 2018, i drafod y toreth o arwyddion 'Ar osod' sydd ym Mangor, cytunwyd mewn egwyddor gan bawb oedd yn bresennol y dylid cyflwyno cod gwirfoddol i arddangos arwyddion 'Ar osod' i fynd i'r afael â'r broblem. Cytunwyd y byddai'r Awdurdod Cynllunio Lleol yn paratoi cod gwirfoddol drafft er mwyn ymgynghori, ac felly mae copi o'r 'Cod Gwirfoddol Drafft' yn atodol i'w ddosbarthu ar gyfer sylwadau.

I helpu gyda'r ymgynghori, byddwn yn ddiolchgar pe byddech yn ateb y cwestiynau isod erbyn 06/07/2018 drwy un ai anfon eich atebion ar ebost at Cynllunio@gwynedd.llyw.cymru neu yn y post at y Gwasanaeth Cynllunio, Cyngor Gwynedd, Ffordd y Cob, Pwllheli, Gwynedd.

Unwaith y daw'r cyfnod ymgynghori i ben ac wedi i ni gasglu'r atebion, bydd yr ACLI yn ystyried yr holl faterion perthnasol a godwyd gan adolygu'r cod gwirfoddol drafft fel bo angen. Byddwn wedyn yn darparu diweddariad i bawb sydd â diddordeb gan hefyd osod dyddiad dechrau i'r 'Cod Gwirfoddol' a dyddiad terfynu i'r hen arwyddion 'Ar osod' gael eu tynnu i lawr.

Nodwyd fod mwyafrif yr hen fathau o arwyddion eisoes wedi eu tynnu ac mae effaith gadarnhaol hyn yn amlwg i bawb. Mae'r ACLI hefyd wedi derbyn nifer o sylwadau cadarnhaol am waith sydyn y landlordiaid a'r asiantau i fynd i'r afael gyda'r mater er budd pawb. Rydym yn gwerthfawrogi yn arw eich cydweithrediad, a'ch cydweithrediad parhaus i fynd i'r afael gyda'r mater yma.

C1. O ran yr arwyddion 'Ar osod' ydych chi'n cefnogi cyflwyno:

- a) Cod Gwirfoddol
- b) Eu hatal yn llwyr
- c) Dim newid / Yr un o'r ddau

C2. Ydych chi'n cytuno gyda'r ffordd awgrymwyd i arddangos arwyddion 'Ar osod' fel a nodir ar dudalennau 4 – 7 o'r Cod Gwirfoddol Drafft?

Ydw ☐ Nac Ydw ☐

C3. Ydych chi'n meddwl fod angen ystyried trefniadau amgen i ganiatáu i fwy nag un o'r arwyddion 'Ar osod' i gael eu dangos os yw'r stryd yn arbennig o hir? E.e. Ffordd Caernarfon, Ffordd Caergybi, Lôn y Gogarth, Caellepa. Os ydych, rhowch awgrymiadau yn y blwch sylwadau.

Ydw ☐ Nac Ydw ☐

Sylwadau:

- C4. Ydych chi'n ystyried fod dyddiad dechrau sef Medi 2018 yn rhesymol ar gyfer gosod y math newydd o arwyddion i gydymffurfio â'r 'Cod Gwirfoddol' gyda dyddiad terfynu cyn diwedd mis Tachwedd 2018 i dynnu'r hen fathau o arwyddion?**

Ydw ☐ Nac Ydw ☐

- C5. Ydych chi am gynnig unrhyw sylwadau eraill mewn perthynas â'r 'Cod Gwirfoddol Drafft'?**

Sylwadau: